

prium aliquod subjecto competat primò & Essentialiter; an verò, quoniam mediante unione propria communicari possunt, communicativè & accidentaliter. His inter se confusis, à veritate nimium quantum abluemus.

VI. Uti verò Unum, sic Idem in varias potest dispesci *species*, secundum *Armand. de Bello visu*, qui in explic. terminorum *tract. II. c. 205.* inquit: Quot modis & quibus modis dicitur unum & aliqua dicuntur Unum, tot modis dicitur Idem & tot modis aliqua dicuntur Eadem. Suum hinc cuiq; pulchrum, & sua cuiq; aridet Divisio. Nos ut progrediamur ordine, & bimbrem, quantum quidem res ipsa finit, observemus resolutionem, dicimus: Identitatem aliam esse Rationis aliam Rei ipsius. Sic admodum *Rever. Dn. D. Scharff. Præceptor noster æternam honorandus, in Theoria Transcend. quam Distinctionem etiam ex mente Comba hij lib. I. Metaph. cap. 22.* pro ratione Extremorum explicat, quod illa assignanda sit extremis, quæ revera quidem distincta non sunt, Intellectus tamè iisdem ut distinctis utatur. Idq; fit interdum sine reali fundamento in objecto & Identitas est Rationis puræ; interdum verò propter fundamentum aliquod in objecto & Identitas est Rationis rationatæ. Exemplo rem declaratum si vis, sume Aristotelem & Præceptorem Alexandri M. Intellectus hos concipit ut distinctos, sed in uno tamen tertio scilicet Individuo humano conveniunt. E. etiam inter se. quæritur autem qua Identitate? & dicimus præter realem etiam rationis. Realis enim non omne discrimen, sed nudum reale tollit & negat. Sic quoad posterius, Intellectus concipit Unum, Verum, Bonum, Affectiones Entis Unitas, ut diversa & plura, conveniunt tamen in uno tertio, scilicet Ente, & quidem Identitate Rationis Rationatæ.

VII. Hanc verò, Realem, Extremis diversis Identitatem quandam sine Intellectus ope habentibus tribuimus. Et quidem est ea vel *Essentialis* vel *Suppositalis*. *Essentialis* est inter ea, quæ ad essentiam aliquam constituendam pertinent, vel de communi aliqua essentia participant. Id autem quoniam multifariam fit, *Essentialis* etiam Identitas in Inferiora dispescenda venit.

VIII. Scilicet est vel *Extrema* vel *Media*. *Extremam* vocamus quæ mediam vel ob Excellentiam suam excedit, vel ob infirmita-

mita-